



Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 79. Totus Mediolani Ducatus, excepta Navarra & Como, Gallis subjectus.

[urn:nbn:de:hbz:466:1-66433](https://nbn-resolving.de/urn:nbn:de:hbz:466:1-66433)

qua cæde comperta Hieronymi fratres ~~Secul.~~ XVI.
eandem sortem veriti, Francis adhærere ~~A.C. 1513.~~
statuerunt, collectisque quatuor peditum
millibus, ac tribus millibus equitum,
Genuam cinxerunt, eo omnino tempore,
quo Preianus Lanternam arcem, quæ
continuo Gallis parebat, commeatu mu-
niverat. Ergo Flischorum fautores urbis
portas aperiunt, illosque intromittunt,
Dux vero, ac ex ejus fratribus unus tri-
remis cujusdam beneficio auffugiunt; Lu-
dovicus autem alter illius frater in lecto
prehensus, captusque indomiti equi cau-
dæ alligatus per urbis compita raptatur.
Hoc facto urbs Ludovici Regis partibus
adhæsit, Gallique nullo negotio ceteras
Reipublicæ civitates recuperarunt: Ge-
nuensis vero urbis Rectorem, Ducem-
que Regis nomine Antonium Adornium
elegerunt.

§. LXXIX.

*Totus Mediolani Ducatus, excepta
Navarra & Como Gallis
subjectus.*

Mediolanenses tam prospéro armorum
successu stimulati, una omnes suum
erga Gallos studium palam profitentur.
Insperata hæc, novaque felicitatis vicissi-
tudo, necnon Proregis Neapolitani absen-
tia, qui suas copias, nullo tentato præ-

Sæcul. XVI. lii discrimine indemnes servare, a Rege
A.C. 1513. Catholico jubebatur, non modo rerum
Marian. lib. faciem, sed & animos in diversum re-
30. n. 83. pente mutavit, nam omnes Longobar-
diæ urbes a Maximiliano Sfortia novo
earum Duce deficiunt, sola Navarra &
Novocomo in ejus fide persistentibus, eo-
quod validissima, quibus muniebantur,
præsidia civium mutabilitatem coer-
rent. Denique Sfortia, cum vix delibatis no-
vi sui Principatus auspiciis, jam impro-
viso adversantis fortunæ flatu depresso,
ruinæ proximus esset, Novarram sese re-
cipere compulsus est, ubi eum Helvetii de-
ducebant, qui horum eventuum potius
testes, quam vindices erant, utpote mu-
tua cum Hispanis dissidia foventes.

§. LXXX.

*Papa Gallos a Mediolano arcere ne-
quidquam conatus.*

Hucusque Leo Pontifex sua Studia ex
æquo partiebatur: verum cum Tri-
molius Italianam invaderet, ad alterutram
partem sese inclinare compellebatur, ut
hoc pacto Venetorum, Gallorumque pro-
gressus inhiberet: Præprimis nil intenta-
tum, reliquit, ut Venetos a firmando
foedere cum Galliarum Rege absterret;
ast nihil datum est illius precibus. Præ-
terea Cinthium clientem suum ad Regem
able-